



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: A-351-8/17
Sarajevo, 16.11.2017. godine

Na osnovu člana 68. stav 1 u vezi sa članom 46. i članom 69. stav 2 tačke d) i e) Zakona o javnim nabavkama Bosne i Hercegovine („Službeni glasnik BiH“, broj: 39/14) i člana 34. Pravilnika o javnim nabavkama Tužilaštva/Tužiteljstva BiH broj: A-97/17 od 25.05.2017. godine v.d. glavnog tužioca Tužilaštva/Tužiteljstva BiH d o n o s i

ODLUKU O
PONIŠTENJU POSTUPKA JAVNE NABAVKE

Član 1.

(Predmet odluke)

(1) Ponuda pravnog lica Pro Team d.o.o. Sarajevo u postupku Konkurentskog zahtjeva za dostavu ponuda za nabavku opreme za prenos podataka i glasa za potrebe Tužilaštva-Tužiteljstva BiH se odbacuje.

(2) Ponuda pravnog lica Intervista Consulting d.o.o. Sarajevo u postupku Konkurentskog zahtjeva za dostavu ponuda za nabavku opreme za prenos podataka i glasa za potrebe Tužilaštva-Tužiteljstva BiH se odbija.

(3) Poništava se postupak javne nabavke: broj A-351/17 od 11.10.2017. godine opreme za prenos podataka i glasa za potrebe Tužilaštva-Tužiteljstva BiH.

Član 2.

(Stupanje na snagu)

Ova Odluka stupa na snagu danom donošenja.

O b r a z l o ž e n j e

Postupak javne nabavke proveden je putem konkurentskog postupka. Obavještenje o nabavci objavljeno je na portalu JN: <https://www.ejn.gov.ba/>, broj obavještenja: 435-7-1-861-3-8/17 od 11.10.2017. godine. Primljene su dvije ponude ponuđača: Pro Team d.o.o. Sarajevo i Intervista Consulting d.o.o. Sarajevo.

Komisija za nabavke imenovana Rješenjem br: A-17/17 od 16.01.2017. godine i A-17-1/17 od 21.09.2017. godine, izvršila je pregled i ocjenu ponuda (Zapisnik o pregledu i ocjeni ponuda broj: A-351-7/17 od 13.11.2017. godine je u prilogu ove odluke) i uputila v.d. glavnog tužioca Tužilaštva-Tužiteljstva BiH preporuku za poništenje predmetnog postupka.

- Uvidom u ponudu pravnog lica Pro Team d.o.o. Sarajevo utvrđeno je da ista ne ispunjava uvjet predviđen tačkom 3.1.2 Sposobnost obavljanja profesionalne djelatnosti Konkurentskog zahtjeva, koji se odnosi na član 46. Zakona o javnim nabavkama BiH.

Naime, citiranom odredbom predviđeno je da će ponuda ponuđača biti odbačena ukoliko u ponudi ne budu dostavljeni original ili kopija ovjerena od strane nadležnog organa (sud, općina, notar) dokaza o registraciji u odgovarajućem profesionalnom ili drugom registru zemlje u kojoj je registriran.

Uvidom u dostavljeni Izvod iz sudskog registra za pravno lice Pro Team d.o.o. Sarajevo Komisija je konstatovala da isto ne ispunjava uslove koji se tiču profesionalne djelatnosti, koja je u vezi sa predmetom nabavke. Naime, iz Izvoda iz sudskog registra proizilazi da se radi o pravnom licu koje je registrovano za tehničku zaštitu ljudi i imovine. Djelatnosti subjekta upisa u unutrašnjem prometu su: Ostale stručne, naučne i tehničke djelatnosti, Djelatnosti privatne zaštite, Usluge zaštite uz pomoć sigurnosnih sistema i Istražne djelatnosti. Obzirom na navedeno, ponuda pravnog lica Pro Team d.o.o. Sarajevo je na osnovu odredbe člana 68. stav 1, u vezi sa članom 46. Zakona o javnim nabavkama BiH odbačena.

- Uvidom u ponudu pravnog lica Intervista Consulting d.o.o. Sarajevo utvrđeno je da ista ne ispunjava uvjet predviđen tačkom 1.5 Konkurentskog zahtjeva, odnosno da je u postupku javne nabavke opreme za prenos podataka i glasa po Konkurentskom zahtjevu Tužilaštva-Tužiteljstva BiH, broj: A-351-2/17 od 11.10.2017. godine, procijenjena vrijednost nabavke 21.367,52 KM bez uključenog PDV-a, te je ista određena u skladu sa raspoloživim sredstvima Tužilaštva-Tužiteljstva BiH.

U postupku javne nabavke opreme za prenos podataka i glasa Tužilaštvu-Tužiteljstvu BiH dostavljena je ponuda ponuđača u kojoj je cijena ponude bez PDV-a određena na iznos od 23.445,90 KM, koja cijena je znatno veća od osiguranih sredstava za predmetnu nabavku, te bi dodjela navedenog ugovora podrazumijevala stvaranje obaveza bez unaprijed obezbjeđenog izvora finansiranja, iz kojeg razloga je ponuda pravnog lica Intervista Consulting d.o.o. Sarajevo na osnovu odredbe člana 69. stav 2 tačka e) odbijena.

Imajući u vidu da u ovom postupku nije dostavljena ni jedna ponuda koja ispunjava uvjete iz člana 68. stav 1 i člana 69. stav 2, ugovorni organ je na osnovu odredbe člana 69. stav 2 tačka d) Zakona o javnim nabavkama BiH, donio odluku o poništenju postupka nabavke.

Obzirom na navedeno odlučeno je kao u dispozitivu ove odluke.

POUKA O PRAVNOM LIJEKU: Žalba se izjavljuje Uredu za razmatranje žalbi Bosne i Hercegovine putem Tužilaštva-Tužiteljstva Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od pet dana od dana prijema ove odluke.

